

Sarkina Bt Mat Saad @ Shaari

From: Unit Komunikasi Korporat
Sent: Tuesday, November 13, 2018 2:16 PM
To: UUM - All Staff; UUM - All Students
Subject: Amalkan Integriti Apabila Melangkah Ke Alam Pekerjaan – Tun Ahmad Fairuz



Unit Komunikasi Korporat
CORPORATE COMMUNICATION UNIT

Universiti Utara Malaysia


13 NOVEMBER 2018 / 5 RABIULAWAL 1440H

=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Mohd Amir Aizat Sainon
Gambar oleh: Muhammad Shamsul Shafie

AMALKAN INTEGRITI APABILA MELANGKAH KE ALAM PEKERJAAN – TUN AHMAD FAIRUZ



UUM ONLINE: Pro Canselor, Yang Amat Berbahagia, Tun Dato' Sri (Dr.) Ahmad Fairuz Dato' Sheikh Abdul Halim mengingatkan para graduan agar mengamalkan integriti tanpa kompromi apabila melangkah masuk ke alam pekerjaan kelak.

Menurut beliau, alam pekerjaan penuh dugaan dan cabaran justeru beberapa prinsip utama kehidupan perlulah diberi perhatian khasnya etika dalam pekerjaan dan kehidupan seharian.

"Integriti dan etika menjadi perkara asas dalam menentukan kecemerlangan diri, keluarga, organisasi dan negara selaras dengan cabaran keempat Wawasan 2020 untuk membentuk sebuah masyarakat bermoral dan beretika, serta mempunyai nilai keagamaan dan kerohanian yang utuh.

"Memandangkan graduan selepas ini akan menyertai sektor tenaga kerja, saya tidak ragu-ragu menyatakan bahawa etika kerja yang positif adalah sangat perlu untuk kita memulakan langkah menuju puncak kehidupan dan kerjaya," tegasnya ketika berucap pada sesi keempat Majlis Konvokesyen UUM ke-31.

Tambahnya lahi mengamalkan integriti juga adalah penting untuk mendapat keberkatan Allah S.W.T.

"Baginda Nabi Muhammad Sallallahu Alaihi Wassallam (SAW) pernah bersabda:

"Barang siapa mencari keredaan Allah dengan (sesuatu yang menyebabkan) kemarahan manusia, maka Allah akan melindunginya dari kejahatan manusia. Dan, barang siapa

mencari keredaan manusia dengan (sesuatu yang menyebabkan) kemurkaan Allah, maka Allah akan menyerahkannya kepada manusia.”

"Ini bermakna segala tindak tanduk kita dalam menjalankan tugas, dan juga dalam kehidupan hendaklah berpaksikan kebenaran dan keadilan. Hal ini secara langsung akan memperkasakan integriti kita.

"Selain itu cendekiawan Albert Einstein juga pernah menyebut, “integrity without knowledge is weak and useless, and knowledge without integrity is dangerous and dreadful....”

Justeru, adalah menjadi tanggungjawab kita semua untuk memperkasa dan membudaya integriti tinggi dalam setiap aspek kehidupan bagi memastikan negara kita sentiasa ditunjangi ahli masyarakat yang madani," jelasnys.

Seramai 787 graduan menerima ijazah masing-masing pada sesi keempat ini yang disampaikan Tun Dato' Sri (Dr.) Ahmad Fairuz.

Beliau turut merakamkan ucapan tahniah kepada graduan yang menerima ijazah, ibu bapa dan ahli keluarga yang telah banyak memberi semangat dan sokongan kepada para graduan dan UUM kerana berjaya menyediakan prasarana yang begitu baik serta tenaga akademik yang komited dan berwibawa untuk membantu proses pembelajaran dan pengajaran graduan sepanjang mereka berada di UUM.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.